

Transkription von Urkunde SDL 1496c

Ort, Datierung: Stendal, 1496-05-16

Signatur: Stadtarchiv Hansestadt Stendal, k.A.

Inhalt: Hans Buckholt: Familien- und Ratschronik

Nach godes gheborth Virtheinhunderth vnde Im(e) SoszvndeNegentigest(e)n Jare . hebbe ick hans Buckholt Ghyszen szone van dem(e) Schadewacht(ere)n ghebwet dyth hüsz vnde twe Jar(e) to varne de dorutzsze ? vnde myne / husfrowe heth Alheidt eyne dochter hans luderitzes vnde hebbe myt orr ggehath viff dochter Na eyne(n) ander(e)n alsze katherineken . anneken . katherineken . anneken vnde Margaritken / dar nū Katerineken de Middelste nū to dusszer(en) tydt alley(n)ne am(e) leuende van isz Ock hebbe ick ey(n)ne(n) Steff Szone de heth Magister Johannes Benntkow vnde isz ghep(er)monireth To liptzk Jn artibus / Magisters alsze he en vnde twintich Jar(e) olde wasz . Myn vader Ghysze Buckholt hadde dry szone alsze Er(e)nn Mathias . Hans . vnde Ghysze vnde my(n) vader(e) wasz eyn Mahir by syne achtentich Jaren(e) / vt vnsze Muder(e) zelighe de heth Anna vnde wasz eynes von kockten dochter vnszes vader Muder zelighe . heth Elisabeth vnde wasz eynes ballenstedes dochter . To Osterholte . de furste / des landes isz de dorghluchtigeste hochgebar(e)nn furste vnde here Er(e)nn Johannes . Marggraffe To Brandemborgh desz hillig(e)n Romesch(e)n Rykes Ertzkamerer(e) vnd Churfurste / To stettin pomer(e)n der Cassuben vnde wenden herthog(e)n Burggrawe to Nurembergh vnde ffurste to Rughen my(n) gnedigester here Eyn Szone Marggraue Albrehtes vnde de / szulffte Marggraue hans hadde hertighe Wylhelms dochter Jn doringh(e)n genometh Marggred ? dar hadde he mede twe Szone alsze Marggraue Joachim vnde Albrecht , van Bischoppe(n) / Grauen vnde Her(e)n de beszethen vnder dēn ffurstendhom van Brandemborgh synt de Erwerdighe Jn godt vader Otto Byschopp To haelberghe Eyn vann Konny(n)geszmarck gebar(e)n / Joachim Biscopp To Brandemborgh Eyn van Bredow ghebar(e)n . Diderick . eyn Byscopp To lebusz Eyn van Bulow gebar(e)n vnde de Eddelen vnde wollgebaren(e)n Johannis vnd(e) Jacob / gebruder(e) Graue von lindow heren To Rüppin vnde Woker(e)n . Johann Ghuntzell Balthasza(r)e vnde Henni(n)gk ghebruder(e) Zepper vnd achim Gaűsz . Her(e)n to pethlif ? Erffmarschalk / der marke To Brandemborgh . Desz fursten höuethmahn Jn der Olden marke isz ffritze van der Schulenborgh . van dhomher(e)n To Stendall . synt Johannes Benedictj prowest Im(e) gestlik(e)n / rechte Doctor Er(e)nn Hinricus Velitze deken Er(e)nn ffrederick von lutzendorpp Erffschenke vnd der Cappittels alsze halbirstadt vnde Stendall Senior Er(e)nn herma(n)n(us) pywerlingk Er(e)nn / albert(us) klitzinck . Er(e)nn H(er)ma(n)n(us) Roxe Scolastic(us) Magister Johannes Buckholt Er(e)nn Lafferns poűell Er(e)nn Albertus von der Schulenborgh Er(e)nn Mathias Buckholt my(n) Bruder . Er(e)nn / Simon kocht Er(e)nn Mathens Moringk Er(e)nn he(n)ningus Klotze(n) . Im(e) Rade synt hinrick Buckholt vnd(e) hans Buckholt Burgh(er)meister Radtma(n)ne Jacob Grosche Claues / molre wylke fughe hans Schonhusz(e)n hans Castiell hans buckholt(e)n Ghuszen szon(e)n Merten Moringk Merten Bru(n)tkow hans kolk vnde Stefen luderitze de dar isz ey(n) bruder(e) / myner husfröwen Jn dem(e) szulue(n) Jare Jn dre vasten brack de Elűe vth Jeghen kokelitze vnde ok twyscken werben vnde Zehusz(e)n vnd(e) an ghenner syde de(re) Eluen an velen Enden / vnde wen de Elue szo nycht were vth gebrak(e)n Szo hedde dat Schar įsz van vppstowens halue(n) de borgh to Sandow v(m)me geworpen De houethmān de dar vpp wasz de togh myt / syne(n) wűűe vnde kynder(en) van der Borgh vnde togh wane(n) to Sandow vpp den pharre hoff Szo lange dat de Elűe wedder vűűl , Musten de landt

myt szampt vnde hulpe der(e) / Stede alsze de van werben Zehusz(e)n vnde Osterborgh eyne(n)
Nighen dijck vth rijden vnde Maken De Meister(e) de dyth husz bwede de hyth Hans arndes vnde
myne ghude Naber(e) / synt Ladewich Moringk vnde wylhelm Lastýll Actu(m) ut sup(rea) desz xvj
dages der Manten Maÿ / Requiescant In yare amen